



明詩正聲卷十八

七言古詩九

廣陵

盧純學

吳

蘇氏景

江一夔

校

閱

顧大典

長干行送劉太學

昔年落魄長干里秦淮幾見秋風起
敝盡烏裘祗自傷新懸綠綬重來此
畫省爐香對夕暉鳳城煙柳隔彤闈
千秋玉樹新聲歇一片青山客夢違
為郎轉益安仁拙明鏡朱顏暗飛雪
搖落

還同宋玉悲黯然更感江淹別任俠劉生意氣
多少年行樂柰君何壚頭倚醉新豐酒月下曾
翻子夜歌帝里相逢何草草行行欲別傷懷抱
長江萬里捲秋濤孤帆直指吳門道吳門烟樹
望中頻歸去還憐舊業負我亦因君鄉思切西
風落葉更愁人

送方子及調官歸省

帝城二月春光好秦淮五見生芳草分曹總是
尚書郎朝朝並轡長安道那堪此日送君行江
柳江花慘別情垂柳似牽征客袂飛花偏傷逐
臣纓憐君自是骯髒者一官仍在風塵下行藏
寧遽托冥鴻得失且將齊塞馬酌君卮酒贈君
言世事雌雄未可論謫居猶擅專城貴綵服趨
庭亦主恩

茗溪春日

茗溪春深春欲歸柳絲拂地梨花飛客子辭家
已三月春風初換越羅衣羅衣競試春江曲花
外鶯聲斷還續春心羈思兩相催愁見天涯春

草綠春草年年伴客程扁舟明日又孤征故園
回首春雲隔江上春山空復情

周光鎬

秋夜吟

蕭蕭暮角起城頭耿耿銀河拂檻流絡緯聲啼
斷復續竹梧淅瀝風颼颼幽人夜半攬衣起露
墮簾櫳白於水空庭何處搗衣聲舉頭見月思
千里思千里路迢迢征鴻南來哀嘹嘹客子聽
此朱顏凋芳時易擲蕙草歇玄霜歲歲染華髮
欲歸不歸胡躊躇十年長負故山蕨

胡應麟

釣臺謁嚴祠



高臺倚空雙突兀釣絲下墜桐江石客星慘淡
呼不應片片飛來向人立憶昔真龍起新野百萬
昆陽碎如瓦朝端但訪赤伏符澤中那問羊裘
者逍遙建武垂裳初乃有物色來菰蘆新銜乍
可授諫議故態寧肯回狂奴長嘯還歸富春瀨
采藥桐君坐相待石上明霞照秋水峰頭雪瀑

飛寒瀨箕山潁陽杳莫覩太息斯人遂千古方
干謝翱兩小子廢宅荒墳強為伍胡生抗志五
岳前中歲偶落風塵緣釣竿倘拂紫薇座歸來
與尔並拄東南天

湯顯祖

送周宗太遊太山

吳門佳山亦無幾飛風積雨淹遊子咫尺佳遊
難定期何況懸情在千里滔滔孟夏清淮深君
從太山遊孔林侵星發棹浦江曉追風息策瑯
琊陰淮南泗上寧疇昔魯酒曹衣嘆行役漁歌
向月杏壇人鷄鳴看日蓮峯客登高望海幾時
還應聞鴻鴈入江關莫信人言天下小孔遊殊
不出鄉山

送胡孟弢應制兼懷趙夢白劉子玄

蓮花峰頭君不住桃葉渡前君復度張燈作酒
臨朱絃美人一曲傷遲暮鄉心寧道隔山川客
鬢懸愁浥風露揮鞭極目長安雲画屏回首江
南路君今與我非少年君容故好能談天傾坐

惟須綠玉管結交底用黃金錢誰言耳目都非
是始悟肝膽長不然數年喜讀絕交論昔歲貪
看游俠篇酌酒對君心不展北斗臨城路東轉
非關游子易分離自是世途難偃蹇多拚獻歲
入西秦即漸殘年泊東甌江外含梅水雪深河
陽着柳春風淺春風魯酒送行軒青莎雜樹難
攀援舍人就詩栢梁殿方朔上書金馬門風塵
陌上新知樂烟雨江南舊客憐不見恒山趙夢
白為問汝南劉子玄

王叔承

東海游仙歌簡王學士元馭王中丞元美
曇陽仙子王家姑幼從節烈叅虛無七年服氣
絕烟火玉樓明月寒水壺精光射天天欲坼列宿
群真自相迫憑虛密諦五千言語落天香翠綃
隔座上非時荔子紅空中當書霓裳白一朝丹
就扶桑曉海東家近蓬萊島左持星劍右揮
塵芙蓉之冠簪七寶靈蛇故繞飛昇臺彷彿茅
龍與青鳥歌成混沌謝蜉蝣吹斷琅璈人世小

丹霞一縷通紫京瑤華雙頰桃花明九月九日
金母宴西池使者迎飛瓊手辭萬衆灑然去青
蓮擁蛻秋蟬輕是時余坐蒼龍嶺獨鶴橫空見
仙影黃菊杯搖赤羽幢知是天台籍新逞玉堂
學士本仙吏怪得金閨出靈異女且開班玉帝
宮眼底英雄齊奪氣仙機縹緲人不聞祕訣乃
授瑯琊君文章信有神仙骨漆園傲吏才如雲
許碣謫地為酒狂狂余落魄希蒙莊采真方寸
成丘壑五嶽真形醉裏藏自從子晉緱山後往
往仙人喜姓王縹緲仙機何不有咲倩瑯琊問
南斗方平昨得麻姑書五百年來別未久它時
相見崑崙顛滄海桑田幾重九希夷先生只好
睡東方小兒善盜酒

先天行

乾坤自破庖羲畫千古文章映空出六經氣接
三光橫英華不共文王沒函關西得青牛書泰
山東老麒麟筆左氏龍門亦聖品離騷子虛豈
人力平生最喜南華篇顛狂欲借逍遙翼晚來

頗覺八斗竒一指更為青蓮屈變夙突起杜陵
愁別與江山寄幽鬱病中偶讀瞿曇經泠然忽
悟先天易崑崙有脉河有源弇州先生生海國
海上王先生作事天公駭手弄珊瑚枝口吐雲
霞彩鑿開混沌揚波瀾毫端唾落桑田改片紙
從教萬戶爭一字不顧千金買歷下崢嶸骨未
化北地縱橫塵尚在古色新都也泥人我道先
生得神解此物終疑造化憑至寶只合神仙采
曇陽似怪靈輝泄苦欲收君隱東海六十纔周
玉曆春人間花甲梅梢蕾萬劫長懸四部光安
問蟠桃九千載生入無生萬有空咲掇空言付
真宰日月開天印兩心荼蘼一醉天花灑

俠香亭是要離專諸梁鴻葬處為周公瑕

賦

闔閭城頭垂白雲周家亭子當斜曛後有專諸
墓前有要離墳梁鴻客塚落其畔斷碑荒草愁
氤氳雄心不朽地自爛俠骨生香天欲焚灑酒
澆青天燒紙問白骨名呼千年鬼應聲如咄咄

往事忽在前怒立頭上髮江風飛劍魚噴刀王
侏慶忌如吹毛誰言南人太孺子吳門氣奪秦
關高出關先生五噫去春米却慕延陵豪主人
知客亦已晚死同劍俠埋蓬蒿今日亭長生相
逢擊鮮置酒非伯通當年三子我誰是著書學
劍皆成空壁魚浪蝕五車字純鉤血死秋芙蓉
行將變名姓吳市酣冥冥君無擅聲價日寫黃
庭經不如剗却退筆冢酒花春滿荼蘼青君不
見尊前俠香吹不了太玄寂寞成都亭

石鼓歌

嗚呼倉頡莽千古即生史籀亦塵土太學之東
孔廟門何得乾坤留石鼓竒珍歲久魂離魄古
文斷落增艱澀野禽剥蘚枯皮蒼山蟲蝕土朽
骨白日照猶看星斗移雨來恐有龍蛇出當年
此鼓流陳倉駱駝欲載周文章貴如郢鼎宜在
廟祭酒却謂韓生狂後遭鄭餘稍顯異宋家始
能歸大梁黃金填字石所醜靖康離亂鼓北走
埋沒胡塵二百年或落農家春作臼 文皇有

意置成均勅使鬼神永訶守我曾批護慨夙懷
長揖宣尼洒杯酒周宣昔狩岐陽時籀文爛熳
天王辭石鼓隱見不可測佛龕遺字爭傳奇大
篆分流及蔡氏作者日下江河卑嶧山火迸秦
王石世間墨本空棗梨鍾王亦似涉靡麗忽瞻
石鼓興慚悲時乎通變聖不免工正我遊皆其
微但願 君王重吉甫朝廷再樹中興碑石鼓文工
作正我
作遊

震澤普濟寺觀古檜歌

沙門老樹驚竒崛四百年來青未歇氣交古佛
通精靈命落殘碑題歲月皮為黛石根為鐵琥
珀為脂玉為節曲柯倒紐上下錯尖梢反掬東
西掣扶踈入畫畫不成苔痕膩鎖雷神結雨餘
細葉浮煙出新枝舊枝宛相齧飛天仙女生綠
毛墮地驪龍蛻蒼骨西方雙樹何時分婆娑獨
立南江瀆寒色虛搖五湖月清陰薄灑諸天雲
忽漫星槎過笠澤酣歌樹底流光碧秦亡爭咲
大夫松蜀破空憐丞相栢信是曾家佛日長貝

葉曇花幻今昔昔者火燒闕里檜伴尼窳寞斯
文墜今來風擊虞山枝言游慘澹文章廢儒林
喬木柰如許野寺孤根聊酌汝

采石磯弔太白

挿江采石三千尺何處蒼苔酣李白乘風夜上
金陵船宮錦袍明浪花赤天子將袍覆酒仙沈
香亭下百花前幸臣脫靴紫貂恥貴妃捧硯青
娥憐詞成投筆六宮羨教坊回首新聲傳一斗
百篇猶未半零落風騷走江漢夜郎逐客潯陽
囚一片青山魂爛熳山頭問月呼蒼旻咲傲萬
古空無人古人既往君亦去盃中舊月年年新
古今一明月大化同精靈人間傳羽蛻天上縣
才名椒漿酌君還自傾釣磯采采如飛鯨安知
太白不在此江東忽見長庚星

汨羅潭弔屈原

楚山迸斷楚水寒靈均死作青琅玕酒星西墮
弔冤魄白雲亂點秋江蘭蘭花嬌掇湘夫人竹
枝細奏雲中君吳鈎拂潭潭噴雪岩空孤鴈流

斜曛衡岳為凡洞庭為杯羞鵬釀海三酌楚材
霞開薜荔夢歆落月出芙蓉魂忽來鸞車翠旌
颯如雨星冠玉衣姣猶女女嬃揚靈宋玉嘯慘
澹離騷映江渚含悲投我辛夷簪北斗迴杓振
南呂蒼梧冥冥帝何許鬼火青青髑髏語上官
子蘭生不人荆王客死飄游塵孤臣荒冢是魚
腹明珠怒發驪龍鱗逆鱗難批光易暈七竅之
心翻自殉魍魎狐狸何代無萬古蒼天不堪問
自君騷破瀟湘天詞人哀怨無窮年文章爛熳
與寂寞蠹魚螢火浮殘編功名千態空言久二
儀七曜更相壽獄中易亦窮愁書六經晚激東
歸叟楊雄賦反騷徐卿復反反是非靡定端盡
付葡萄琰君也獨醒吾獨醉遠遊且學神仙蛻
醉來一曲滄浪歌天公其柰漁郎何

王穉登

房星行贈吳太僕

房星迢迢銀漢側十丈流光半河白自從化馬
地上行寒斗蕭蕭夜天黑渥水千尋射日飛河

圖一旦為人得軟玉生烟刻作鞭明珠如月裝
為勒銀燭分行入漢庭曉風斜月踏流星螭頭
立仗千官肅柱下鳴珂萬戶聽名為獬豸肝腸
直號作神驄尾鬣青青驄日日出長安繡斧霜
威九陌寒金溝楊柳行邊拂春殿桃花踏處乾
朝中貴戚爭相避道上行人不敢看行人貴戚
盡徘徊皇甸清明雲霧開三年去牧粵王國一
朝重上燕王臺燕王臺上黃金待越國城邊白
羽催攀折朱輪留不住牽翻翠障放歸來朱輪
翠障國門行十二天閑首蒼生一羣雲錦俱無
色萬個驪黃不敢鳴邊塵寂寂驂騑老湖上青
山乞歸早嘶處長迎吳苑風夢中每憶江南早
玉鞍珠勒解還君長樂鐘聲不再聞伏櫪未忘
千里志生駒盡是五花文房星昔日本為龍龍
壽靈長不可窮不信請看周八駿千年出入紫
烟中

早春篇

春到江南早花開吳苑先入春無十日垂柳碧

如烟妾家江北住嫁作江南婦喜見春先来愁
說春先去春去春來心暗驚江南江北揔關情
妾顏正及桃花艷郎意休隨柳絮輕桃花柳絮
春風急吹開吹落無人拾妾容正可怯春風妾
意還須惜春日憶昔兒時未嫁人青春白日揜
朱門當時不耐金爐冷今日翻嫌繡帳溫繡帳
沉沉風不動春宵又作揚州夢跨鶴寧知妾夢
深乘龍但覺郎恩重念深恩重兩難分夜夜家
山是白雲百媚何須憐翠黛一生真自然紅裙
紅裙翠黛人人妬春光安得長如故倩人妝作
鬢雲斜覽鏡愁將香粉汚日出花枝一片飛傷
春無賴思依依江南新織鴛鴦錦為郎裁剪作
春衣

送秦子仁參軍北上

秦郎四十官如水匹馬秋風向燕市漫說千金
有佩刀祗餘一介將行李人情翻覆海中瀾前
路崎嶇蜀道難日比長安無柰遠天當薊北不
勝寒雙闕峯堯百餘尺往來得意春風客何人

開口借吹噓若箇迴眸賜顏色青楓江上去遲
遲雪淚闌干別所知丈夫豈必長貧賤不見當
時歌廢處

楊伯翼贈日本刀歌

楊郎手持一匣霜贈我拂拭生寒芒鉛刀紛紛
空滿目君與此鏢皆魚腸南金換却東夷錢上
帶倭奴髑髏血血未曾消刃未平皎若蓮花浸
秋月燈前細看鷓鴣鋒入手還疑蛟與龍門外
湖深恐飛去朱繩夜縛青芙蓉苔花爛斑土花
紫白虹沉沉卧秋水歸家不惜十年磨他日還
能報知己

昔者行贈別姜祭酒先生

昔者薄游燕王都燕人買駿皆買圖汝南袁公
善相骨稱我一匹桃花駒是時先帝論封禪
焚香日坐蓬萊殿二三元老書不停記室豎儒
供筆硯袁公手內金花箋口召王生生不前安
知徐福三山事但憶蘇秦二頃田我欲東歸勸
我留滿床詩草盡見投我時醉操銀不律雌黃

爛熳珊瑚鈎以茲感激國士知新舊存亡不可
移季札匣中莫邪劍脫挂徐君墳樹枝浮雲世
態那堪說衆人聞之皆不說謝傅西州春草深
羊曇涕淚空成雪贈刀人結襪子可憐貧時交
一生與一死召公已死周公嗔道傷之言未必
真馮驩不去反見忌天下盡諱為門人宗伯中
丞本愛才乍聞此語亦徘徊惟君知我有心者
肝腸傾倒無所猜校書舊物許薦我君縱殷勤
我不可子虛欲奏雖未成知君難忘楊意情長

安國門同日出我歸金閭君石城壁水曾經黃
屋坐祭酒胡床尚虛左苜蓿先生三數公桃李
門人千百箇紛紛入貳同舍生春秋俱服左丘
明君行未可輕此輩萬一中間有馬卿

屠隆

閨情

昨日別君楊柳濃今朝悵望櫻桃紅青驄去何
在只在平蕪外春風自煖妾自寒隣女相過掩
淚看日長草綠嬌黃蝶宛轉啼鶻隔花葉不能

飛去喚郎歸何用朝朝啼向妾

送桂博士入楚

桂生蕭瑟人浩蕩觀八垠人生行樂耳何必營
千春薄游可翫世何必要路津長安不收明月
珠北風夜夜吹瑯弧五侯七貴不足問彈箏自
向酒家胡年年上書何為者黑頭作吏風塵下
聊借微官向楚中赤日空原馳瘦馬楚國山川
六千里君行寧為微官喜高言一落太湖深曾
中雲夢不知幾天晴曙色漢陽開一片孤帆江

上來白日空懸鸚鵡賦青山誰弔禰生才君今
寄傲滄洲上天地安能羈任放直取當年曠士
懷黃鶴高樓尚無恙長安作客厭紛紜眼前世
事如浮雲我亦明朝為小吏三湘七澤好從君

胡垣

秦女休行

秦氏名女休何讓聶政姊手執白楊刀白日殺
仇死仇乃宗人仇兄弟且莫視挺身獨當之不
懼刑辟止况為燕王婦自甘磔都市關吏執以

告天子降寬旨桐鼓過千聲釋之歸閭里精誠
通帝天英聲動遠邇道上咸為歡女休不色喜
君不見自古男兒反事讐寧不愧彼秦休女

秋宵吟

涼風瑟瑟催夜長草根露濕啼寒蟹誰家玉笛
吹明月漏盡銅龍猶未歇金閨寂寂起愁嘆幽
思欲度太行山鷄聲驚斷西樓夢脉脉無言獨
倚闌

胡旦

秋閨怨

碧瓦秋高露氣涼井梧飄葉過鄰墻水晶簾捲
明河月清光斜照合歡牀雙頭蓮浸瓶空綠繡
幃閑却青奴竹宵深翠被夢難成愁織流黃轉
機軸

宛轉歌

接君書環讀意如初千里關山通一夢十年心
事寄雙魚歌宛轉宛轉情無窮願為魚比目游
泳碧波中寄君衣君身今幾圍夢頻不知塗遠

明言正聲 卷之一
近別久欲忘形瘦肥歌宛轉宛轉情無極願為
南方鳥飛飛長比翼

送別曲

鷄鳴作飯與君餐灞水橋頭風色寒送君上橋
易別君下橋難上橋猶得把衣袂下橋難復攀
征鞍馬行空有回頭語紅塵遮斷愁幾許

聞杜鵑

忽聞古帝魂哀鳴如有激一聲動人耳二聲使
人惻三聲毛骨寒於水四聲血淚不堪拭千聲
萬聲啼不休日月無光天地愁劒閣行雲慘欲
結巴江春水咽難流聽君聲思君情聲亦何能
訴情亦何能明一點春心託千載千載悠悠空
自鳴

明詩正聲卷之十九

七言古詩十

廣陵

盧純學

編輯

江一夔

校閱

梅鼎祚

登采石李太白樓醉後作放歌別史仲弢

司理

君不見李謫仙高樓百尺與天連千尺長江流
萬里一坏之土寄江邊下苦白日不到地上看
酒星猶在天史侯作宦來江左登樓有詩題向



我使我豁然肝膽開其餘諸子俱瑣瑣今者史
侯朝 帝京重携此地送將行將行不行把我
手玉壺美酒為君傾酒半寒生停白羽炎天颯
颯交風雨還愁山鬼照然犀更遣馮夷來伐鼓
怒濤洶洶樓勢危濕雲黯慘山低垂須臾月出
波平面恍忽一鏡涵脩眉李白當年清興發投
身俯拾江心月復道騎鯨飛上天何為荒草埋
仙骨舉酒對月酌史侯踈狂似余白也流布衣
徃徃干明主西笑長安不得遊紛紛肉食真堪
鄙史侯差可托知己男兒生死惟片言寸心可
以照秋水送君君入承明廬敬亭余歸守舊區
龍興蠖屈各有意漁海樵山恣所如醉後相看
眼雙碧破浪乘風醉采石它年擊楫渡中流試
向江邊問李白

三山舟中聞笛歌

江雲鱗鱗江月白幾夜南來隨估舶羈魂僚慄
私自憐飛流界破三山碧三山蜿蜒忽若迎何
處鄰舟出笛聲泠泠乍鼓湘靈瑟嫋嫋如吹子

晉笙推篷細聽梅花落楊柳霜天盡蕭索十載
關山行路難孤舟又向沙頭泊昔時司馬謫潯
陽商婦琵琶涕滿裳余亦有才復贈燈聞笛淒
然憶故鄉餘音飄蕩隨風止夜靜微波動秋水
只今人世少知音兩耳欲聾心欲死

叩馬辭

六龍飛駕燕中起大風蕭蕭渡易水羽林十二
散星文石城頭下鼓聲死殿中催召陳尚書慷
慨悲歌氣不舒一時殲血報皇祖六子同甘鼎
鑊餘衆謂逆鱗不可批臣將叩馬效夷齊計家
橋頭骨已朽孤魂夜夜吐虹霓詔傳故里崇尸
祝桂酒椒漿堪一哭徙薪曲突亦有恩開元寺
前俞伴讀

鄧伯羔

寄姜仲文

湖亭十月霜華冷浮雲忽墮孤鴻影對此懷人
百感生從之欲往關河迴憶別江頭淚堪灑布
颿懸風快于馬三山突兀白浪吞彷彿仙舟過

其下握手踟躕復何語謂我良工心獨苦裋巾
不避宋人嗤燕石光生照江樹大夫知我亦是
死安用才名滿人耳龍門萬丈多自高狗監於
今有誰是

徐桂

飛絮篇

江城三月艷陽時楊花如絮飛參差悠悠宛轉
知誰繫歷亂輕盈不自持可憐朝散銅池裡可
憐暮落章臺市閒逐遊絲去復來細縈花片低

還起灞橋繫馬及芳辰白門葳烏過上春吹入
妝樓全誤粉飄將舞席半成塵乍高隨鳥沒遙
空漸早趁燕遶簾櫳花飛猗靡如迴雪質輕流
便不因風因風回雪何綽約偏從芳甸穿香閣
東舍王昌暫寄踪西隣宋玉聊棲託跡方蕩子
少寧居命憐賤妾多輕薄其柰蕭疎欲盡春已
覺繁華不如昨條風布暖水流澌池邊林畔始垂
絲小小葉間分翠黛盈盈樹下鬪腰肢而今棄
擲將何道而今轉薄同秋槁攀條倚樹重留連

行樂韶年苦不早
淒淒草徑揔鋪氈
茫茫榆塞詎成綿
旦辭芳樹猶依榭
夕化浮萍已逝川
子規聲裡千花歇
搖蕩春光劇可憐

楊承鯤

苦寒行

北風吹寒山霧白
天地栗冽凍無色
行人出門不敢前
轆馬悲鳴氣蕭瑟
長江無舟海水合
層冰峨峨飛雪沓
東西南北悄無人
雲木低回風颯颯
城中十家九家飢
城外死人棄不歸
牛羊蹙蹙半已倒
烏雀啄雪存者稀
吁嗟苦寒有如此
可憐南國亦墮指
君不見城南父翁
八十餘生來有眼
應未見垂老飢
寒凍欲死

汪禮約

徐鳧巖觀瀑布泉

傾崖束峽雷霆闐
懸水魚龍起清晝
驚風乍捲飛雨來
青山石上無氛埃
窈窕靈源深不測
一望明河萬山白
下如輕絲散如霧
寒逐流雲濕江樹
人烟住此武陵溪
片水桃花自來去

柳應芳

酬高洪甫寄贈燕京篇

雙鯉迢迢書一紙未蒞緘時先長跪感君贈我
遊燕篇慷慨悲歌不可止燕京形勝百二強關
中洛陽非所擬南臨碣石北長城西據太行東
遼水涿鹿山頭卷漢旌盧龍塞上飛胡矢 聖
朝神武遷為都清廟明堂坐 天子文物聲明
異昔時風雲艸昧光前史玉帛舟車會萬方蒲
梢首蒼來千里春祠冬狩有離宮白艸黃雲無
戰壘諸陵佳氣鬱龍葱列第繁華分旖旎鳥向
燕山轉作歌花迎易水開成綺舊京父老不思
歸還傷都門種桑梓海內初傳舜鳳儀人間復
覩周麟趾屈指承平二百年誰能致者文皇氏
我從少小好遠遊旁若無人入燕市郭隗臺荒
春艸生昭王宮冷秋花死蘇秦遊說漫悠哉樂
毅功名今已矣荆高一去不復還欲吊幽魂何
處是落日西風逆旅門青鞋皂帽烏皮几賓客
終年厭稻梁將軍滿地栽桃李黃金誰結行路

心白雪何由傾里耳匣中長劍莫屠龍海上青
山堪牧豕歲月蹉跎四十年脩然四壁還相倚
與君意氣久蕭朱時不得兮且蓬蒿譎罷回看
淚滿衣唾壺擊缺城鴉起

胡之驥

楊花篇

江南三月時楊花白離離深閨有女兒常恐青
春移青春屈指過三五坐見飛花淚如雨入幕
應隨燕子飛漫空更逐遊絲舉逐絲隨燕姿纏

綿肯信東風換歲年謝娘高韻今難繼胡后幽
情復可憐多情自古偏多忤惜芳誰解儂心苦
繡枕慵挑菡萏花錦衾羞覩鴛鴦伍鴛鴦菡萏
本成雙勾引心思莫可降適看梧樹凋金井又
見楊花點碧窓香閣重扃不見人楊花歷亂始
知春女師日暮還相戒勿作楊花易委塵

曹昌先

聞笛

嚴城拆罷角聲起西風吹入千門裏壯士扼腕

思封疆寶刀夜光吐秋水男兒四十未封侯齧
齧空對妻子羞拔刀徑赴龍城去道傍不斬仇
人頭

蘇民懷

聽秋篇 有序

不佞客金陵十餘年矣羈栖沉鬱蓋不
任搖落之思一日過友人歐惟禮齋頭
見其眉曰聽秋館因援筆賦此不計其
詞之工拙也

黯淡對秋陰閑坐聽秋館耳目漸無營圖書任
散亂忽聞窗外聲颼颼恍然萬籟涵清秋浙瀝
初經芰荷沼蕭颼半在芙蓉樓素娥瑤瑟銀屏
怨班姬掩泣悲紈扇誰家思婦流黃機空閨獨
下霜砧遲細雨虛簷正騷屑秦箏恰似商絃裂
又如東風駕浪海潮生萬馬空中銜駟鐵深山
落月斷猿鳴淺沙白石流灘聲蒼梧何處九疑
遠瀟湘木葉波洞庭天涯有客傷遲暮十載金
陵鬢非故無那悲秋楚客情不堪重讀江南賦

夜久幽懷轉寂寥
蛩吟四壁風蕭蕭
闌干斗柄插江樹
露濕桐枝封翠條

王同軌

張幼于吳叔嘉邀從吳明卿先生方仲美
遊虎丘舟中見楊花撩亂飛入幕內

來時門前柳芽吐
到日宰地條如許
裊娜全傾掌上腰
纖長故鬪機中縷
垂條百尺任毵毵
亂絮何緣飛滿天
認是雪花霑不濕
喚為梅片却成團
畫舸鈞簾遮不著
美人紈扇撲半落
冒從

蛛網又颺來
墮向蜂鬚飛
復脫樓頭少婦方
孤寢懷人起
對妝臺冷
莫惹春愁上
剪刀休縈別恨
歸衾枕縈恨
惹愁飛轉
賒紛紛
逐我北還
槎還時已化浮萍
草應對池塘憶柳花

倪光胤

古別離留別秣陵諸友

吳城楊柳三月時
千絲萬縷隨風吹
扁舟曉泊古堤曲
忽然與君生別離
與君別離良不易
執手問我重會期
傷人不解別離苦
殷勤為奏長

日言
卷之十九
九
相思勸君停聲且莫奏奏時兩淚沾衫袖踟躕
繾綣岐路傷縱得新知豈如舊溪迴路轉暫塞
惟采石青山期邂逅溯流倘肯下江東短榻雲
中擬相候

盧姬曲

盧姬初入魏王宮妖桃一面如花紅三千羅綺
都住麗君王眷顧寵特異金屋垂楊暖氣薰玉
樓花發香氣氤氳水晶簾畔琴重鼓玳瑁筵前學
歌舞蘭堂彩袖鬪鸞翔桂殿新聲繞鳳梁日暮
君王歡罷宴佩玉鳴環滿宮殿盧姬小小人不
知今日富貴昔貧賤

黃德水

賣花篇

日南氣候天下奇四序皆如三月時幽風謾賦
為裘什越俗空傳采葛詩泉甘土沃山川美長
日花開爛於綺不論秋去有蘭蓀寧獨春來盛
桃李初景曛曛萬戶開棘童駱驛賣花來一筐
新葢朝纔摘數種奇葩歲自栽曲房小閣開粧

篋紫貝青蛭走輕屨若箇簾前非墮英誰家門
外無殘葉參珠間玉鬪光輝踏青拾翠弄芳菲
花房賸有瑤臺露滴盡儂家金縷衣

孫朗

寄劉子莊

知君終歲飽藜藿暖暖孤雲竟誰托長路書來
兩雪深室堂夢斷燈花落聞道揚州風物新烟
花二十四橋春道傍裘馬徒喧沸誰識玄都觀
裏人

閨秀

宋氏

題郵亭壁

郵亭咫尺堪投宿手握親姑憩茅屋抱薪就地
旋鋪攤支頤相向吞聲哭旁人問我是何方俛
首哀哀訴衷曲妾家祖居金華府海道曾為正
千戶舉艘運米大都回金牌敕賜雙飛虎兄弟
晦跡隱山林甘學崇文不崇武今朝玉堂宋學
士亦與妾家同一譜笄年嫁向衢州城夫壻好

學明詩經離騷子史徧搜覽志欲出仕甦蒼生
前春郡邑忽交辟辭親千里趨神京丹墀對策
中殿舉馳書歸報泥金名承恩拜除閬州守飄
然畫舫西南行到官未幾訪遺老要把奸頑盡
除掃日則升堂治公務夜則挑燈理文藁守廉
不使纖塵污執法致遭僚佐怒府推獲罪苦相
攀察院來提有誰訴臨行囊橐無錙銖唯有舊
日將去書城中父老泣相送道傍過者咸嗟吁
一時徵賦動盈萬妾夫自料無從辦經旬苦打
不成招暗囑家人莫送飯嗟吁餓死囹圄中旗
軍原籍來抄封當時指望耀門戶豈期一旦畚
成空親隣憐妾貧如洗歛鈔殷勤饋行李伶仃
三口到京師奉旨編軍戍金齒阿弟遠送龍江
邊臨期抱頭哭向天姊南弟北兩相痛別後再
會知何年開船未遠子病倒求醫問卜皆難保
武昌城外野坡前白骨誰憐葬青草初然有子
相依傷身安且不憂家蕩如今子死姑年高縱
到雲南有誰望八月官船渡常德促裝登途整

行色空林日暮鷓鴣啼聲聲叫道行不得上山
險如登天梯百戶簇放來取齊雨晴泥滑把姑
手一步一仆身沾泥晚來走向營中宿神思昏
昏倦無力五更睡重起身遲飯鍋未熟旗頭逼
翻思昔日深閨內遠行不出中門外融融日影
上闌干花落庭前鳥聲碎寶髻斜簪金鳳翹翠
雲蟬髮蛾眉嬌繡牀新刺雙蝴蝶坐久尚怯春
風饒豈知一旦夫亡後萬里遐荒要親走半途
日暮姑云飢欲丐奉姑羞舉口同來一婦天台
人情懷薄似秋空雲喪夫未經二十日畫眉重
嫁鹽商君血色紅裙繡羅襖終日騎驢涉長道
穩坐不知行路難揚鞭咲指青山小取歡但感
新人心那憶舊夫恩愛深吁嗟風俗日頽敗廢
却大義貪黃金妾心汪汪淡如水寧受飢寒不
受恥幾回欲葬江魚腹姑存未敢先求死前途
姑身少康健辛苦奉姑終不怨姑亡妾亦隨姑
亡地下何慚見夫面說罷傷心淚如雨咽咽垂
頭不成語路傍過者為酸心隔嶺孤猿叫何許

郭愛

哀詞

脩短有數兮不足較也生而如夢兮死則覺也
先吾親而歸兮獨慙余之不孝也心悽悽而不
能已兮是則可悼也

劉方

和燕巢詩

有序

劉方方姓女也年十三偽為男子從父
扶母喪還鄉父死于河西務劉叟家劉

無子留為劉氏子改名劉方初不知其
為偽也後有劉奇者遇難過劉劉悲之
留為長子劉死喪畢奇各欲議婚方不
從奇題燕詩曰營巢燕雙雙雄朝暮辛
勤巢始成若不尋雌寄殼卵巢成畢竟
巢還空以探方方和二首奇疑之方以
實告奇曰既不成兄弟當為兄妹或為
夫婦方流涕曰若兄妹妾理應適人父
母之墳終為寄托之鬼今幸兄仁人此

非人謀實是天合倘不棄使三家之祀
永不朽矣竒驚異遂揖方寢方曰非禮
也須告三墳會親友方可依議而行后
寢成巨族號劉方三義云

營巢燕雙雙飛天設雌雄事久期雌兮得雄願
已足雄兮將雌胡不知

其二

營巢燕聲唧唧莫使青年空歲月可憐和氏忠
且純何事楚君終不納

陳夫人

寄夫

野雞羽毛好不如家鷄能報曉新人貌如花不
如舊人能績麻績麻做衫郎得着眼見花開又
花落

言正屋
卷之九



